

Treis puncts fussen balsam per Trun/Rabius

Damai che Buchs e Domat han recaltgau puncts els davos giugs, ei la situaziun alla cua dalla tabella dalla 3. ligia aunc inaga vegnida interessanta. Aunc buca mitschada definitivamein dalla relegaziun ei era Trun/Rabius, mo el giug da dumengia encounter Domat savess la squadra dalla Cadi far in impurtont pass per segirar l'appartenenza alla 3. ligia.

HANS HUONDER/FMR

Ella gruppa 1 dalla 3. ligia ein aunc tschun equipas periclitadas da vegnir relegadas ella 4. ligia. Sis rundas avon la fin dil campinadi ha Tusaun/Cazas 14 puncts, Trun/Rabius 13 puncts, Landquart 11 puncts, Domat 9 puncts e Buchs 8 puncts. Trun/Rabius ha mussau questa primavera respectablas prestaziuns e quei malgrad plirs giugadurs blessai. Cun ina victoria el giug encounter Domat dumengia proxima savess l'equipa da *Roland Decurtins* e *Clau Berther* sedistaccar dils davos dalla tabella. Per empau moviment alla cua dalla tabella ei procurau, pertgei cul giug Buchs encounter Landquart fruntan duas ulteriuras equipas periclitadas dalla relegaziun ina sin l'autra.

Suenter la victoria la sonda encounter Domat resta Schluein Glion sils calogns da Valposchiavo alla testa dalla tabella. Sonda suentermezdi ei la squadra dil trenader *Corsin Cavagn* hosp da Ruggell che sesanfla sil quart rang e che ha teoreticamein era aunc schanzas da contonscher igl'emprez plaz ella tabella. Igl ei pia in'impurtonta partida per omisduas equipas.

Danis-Tavanasa retscheiva il capogruppa

El campinadi dalla gruppa 1 dalla 4. ligia retscheiva l'equipa da Danis-Tavanasa il capogruppa Cuera 97. L'equipa dalla capitala grischuna ei claramein alla testa dalla tabella, Danis-Tavanasa ei ella secunda mesadad da quella. Medemamein ella secunda mesadad dalla tabella ein las duas ulteriuras equipas sursilvanas da 4. ligia Lumnezia e Schluein Glion. Lumnezia retscheiva dumengia Vaz-sut, la squadra ch'ei stada ditg alla testa dalla tabella e ch'ei ussa secunda. Schluein Glion sto serender per siu giug a Panaduz tierz dalla tabella.

Laax che ha festivau la fin dall'jamna vargada l'emprema victoria questa primavera el campinadi dalla gruppa da



Dumengia ei l'equipa da dunnas dalla 4. ligia dalla Surselva hosp ad Eschenbach. La foto muossa ina scena dil giug dalla dumengia vargada dallas Sursilvanas (mondura alva) encounter Buchs: Sina Demont (seniester), Anna Cavelti (amiez) e Danja Cavigelli (dretg). L'equipa sursilvana ei il mument sil tschunavel plaz dalla tabella, igl adversari da dumengia, Eschenbach, ei tierz. FOTO HANS HUONDER

promoziun dalla 5. ligia ei hosp da Landquart dumengia. Omisduas equipas han treis puncts sin lur contos. Union Trin retscheiva Rueun. Era quellus duas equipas han gudignau entochen uss in da quater, respectivamein da treis giugs. Sco Laax eis ei da supponer ch'era Union Trin e Rueun vegnan ad haver da far pauc culs dus rangs che garanteschon la promoziun ella 4. ligia.

3. ligia, gruppa 1

Ruggell – Schluein Glion	so. 16.00
Schaan – Triesen	so. 16.00
Buchs – Landquart	so. 18.15
Domat – Trun/Rabius	du. 15.00
Valposchiavo – Tusaun/Cazas	du. 16.00
Eschen/Mauren – Triesenberg	du. 16.00

4. ligia, gruppa 1

Panaduz – Schluein Glion	so. 16.00
--------------------------	-----------

Surses – Schlarigna	so. 17.00
Danis-Tavanasa – Cuera 97	so. 19.00
Lumnezia – Vaz-sut	du. 14.00
Tavau – Valposchiavo	du. 16.00

5. ligia, promoziun, gruppa 1

Union Trin – Rueun	ve. 19.30
Triesenberg – Mladost	ve. 20.00
Domat – Lai Vabella	du. 13.00
Landquart – Laax	du. 14.00
Lusitanos de Samedan – Val Tamina	du. 15.00

5. ligia, gruppa 1

Cuera 97 – Bogn Ragaz	so. 15.00
Bregaglia – Panaduz	so. 17.00
Sedrun/Mustér – Danis-Tavanasa	so. 17.00
Trun/Rabius – Lumnezia	so. 17.00

Juniors A1, gruppa 1

Bogn Ragaz – Au-Berneck	du. 13.00
Mels – Surselva	du. 14.00

Appenzell – Buchs	du. 14.00
Montlingen – Steinach	du. 16.15

Juniors A2, gruppa 1

Domat – Vaduz	du. 11.00
Landquart – Tavau	du. 12.00
Schlarigna – Sargans	du. 12.00
Glaruna – Weesen	du. 13.00

Juniors B, promoziun, gruppa 1

Landquart – Surselva	so. 14.00
Wittenbach – Steinach	so. 14.00
Cuera 97 – Arbon	so. 15.00
Montlingen – Appenzell	so. 15.00
Rorschach-Goldach – Grischun Central	du. 13.00

Juniors B1, gruppa 1

Bogn Ragaz – Sargans	so. 14.00
Domat – Flums	so. 15.00
Walenstadt – Mels	du. 16.00

Juniors B2, gruppa 1

Surselva – Panaduz	Schluein so. 14.00
Valposchiavo – Orion Cuera	so. 16.00
Orion Cuera – Grischun Central	mes. 20.00

Juniors C, promoziun, gruppa 1

Cuera 97 – Rorschach-Goldach	so. 12.00
Arbon – Brühl	so. 13.00
Rheintal – Steinach	so. 13.00
Sargans – Herisau	so. 14.00
Romanshorn – Surselva	du. 12.00

Juniors C1, gruppa 1

Bogn Ragaz – Mels	so. 12.00
Tavau – Grischun Central	so. 14.00
Schlarigna – Landquart	so. 14.00
Domat – Walenstadt	du. 13.00

Juniors C2, gruppa 1

Surselva a – Cuera 97	Glion so. 11.00
Surselva b – Grischun Central	Trun so. 13.30
Panaduz – Domat	so. 14.00
Valposchiavo – Vaz-sut	du. 13.00

Juniors D1, gruppa 1

Domat – Panaduz	so. 10.00
Cuera 97 – Grischun Central a	so. 14.00
Orion Cuera – Surselva a	mes. 17.00

Juniors D2, gruppa 1

Panaduz – Cuera 97	so. 10.00
Vaz-sut – Domat	so. 11.00
Landquart – Grischun Central c	so. 13.30
Surselva b – Surselva c	Sedrun so. 14.00

Damas 2. ligia, gruppa 1

Frauenfeld – Toggenburg	so. 18.00
Romanshorn – Weinfelden-Berg	so. 19.15
Au-Berneck – Widnau	du. 11.00
Uzwil – Triesen	du. 13.00
Domat – Ebnat-Kappel	du. 17.00

Damas 4. ligia, gruppa 1

Schwanden-Linth Mels	du. 11.00
Eschenbach – Surselva	du. 13.30
Schlarigna – Vaz-sut-Cuera	du. 14.30
Buchs – Tusaun/Cazas	du. 15.00

Junioras FF15, gruppa 1

Surselva – Oberthurgau	Schluein so. 11.00
Werdenberg – Linth 04	so. 14.00
Rorschach-Goldach – Frauenfeld	so. 15.00
Mels – Uzwil	du. 16.00

GLION

59 affons ein sediverti sportivamein

Quest'jamna ha giu liug a Glion in camp da sport organisaus da MS Sports. 59 affons han giu la caschun da far enconuschientscha cun novs sports.



Affons denter sis e 13 onns ein separticipai al camp da sport a Glion.



Il camp ha purschiu denter auter giugs cun balla.

FOTOS MAD

Ellas hallas da gymnastica da Glion han ils affons saviu sedivertir cun ballas, far salts, rir ed aschia scuvierer novs sports. Ils 59 affons ella vegliadetgna denter sis e 13 onns da Glion e contuorn, parti en gruppas, han denton era saviu sededicar e sepefeziunar en lur sports preferi. Aschia han els era saviu animar in l'auter. Il program dil dil mintgamai dallas 09.30 entochen las 16.00 han cuntenui duas

unitads da trenament cun trenaders engaschai. Il divertiment ei staus el center da quei camp.

Trampolin e giugs cun balla

Sco quei che MS Sports scriva en ina communicaziun als mieds da massa, han ils affons gudiu plirs muments specials a quei camp che ha cuzzau digl 1. entochen ils 5 da matg 2023. Pliras e

plirs ein separticipai in'ulteriura ga a quei camp che ha liug dapi entgins onns a Glion. Aschia era *Anina* (8) da Glion: «A mi plai ei adina da separticipar. Il pli bugen fetsch jeu giugs cun ballas ni ir sil trampolin. Ils menaders ein fetg amicals.» *Elias* (9) ei separticipaus l'emprema ga al camp da sport era numnaus Aldi sport camp: «Il pli bugen sun jeu ius sil trampolin ni hai dau ballapei ni

unioc.» Per l'empema ga ei *Emma* (9) separticipada al camp: «A mi plai tut. Nus havei fatg ina show da trampolin, dau balla-catschadur ed essan i a magliar bein el Rhätia. Jeu less separticipar al camp era l'auter onn.»

Affons motivai

Il menader dil camp *Simon Rohrer* ei fascinaus digl engaschament dils affons:

«Els ein stai tuts fetg undreivels e plein motivaziun. Grazia alla buna collaboraziun culla vischnaunca d'Ilanz Glion dapi igl onn 2019 savein nus nezegiar ina fetg buna infrastruttura.» Sper igl engaschament dalla vischnaunca vegnan quels camps da sport susteni generusamein da plirs sponsurs sco Aldi Suisse, Darvida, Peax ni era Nimm2 e Drawag. (cdm/fmr/hh)